



# Cook Islands Christian Church

## Newsletter Number 27

(Published 29 October 2009)

### TO ROTO I TEIA NUTILETA:

- ★ Tomoanga i te opati maata i Takamoa, ra taeanga Evangelia
- ★ CICC Manual
- ★ CICC of Australia Conference
- ★ Tere o te Puapii Maata ki Nutireni
- ★ Profile of Papa Temere Poaru
- ★ Reflections
- ★ History in pictures
- ★ Tua tapapa no "Oliveta"

Kia vai ua ki roto i te manakonakoanga: Next CICC General Assembly, 23-30 October 2011, Aitutaki. Never too early to start preparing now.



The Mission House in 1919 (photo courtesy of the Pacific Manuscripts Bureau, ANU, Canberra, Australia, electronic copy provided to the CICC General Secretary by Ewan Maidment of PMB)



The Mission House 90 years later, taken from about the same angle (photo taken by John Akavi during its dedication service after major renovation as the new CICC administration office, 26 October 2009)

# CICC NUTILETA 27

*Akapapaia e Nga Mataio, Tekeretere Maata*


## 1. AKATOMO'ANGA

**K**ia orana e te iti tangata tapu no te Atua i te au ngai katoatoa; to te Kuki Airani nei, tei noo ki Nutireni, Autireria, Tahiti, e te vai atura tei taeaia e teia karere. E tau ia tatou kia akameitaki i te mana katoatoa koia tei oronga mai i teia tikaanga manea kia aravei akaou tatou na roto i teia pepa akakitekite numero 27. To tatou tuatua aravei e te akamaroiroi i to tatou oroanga akarongo, ko tei tau katoa ki te akakoroanga maata i oti uake nei koia te akatueraanga i to tatou opati ou i Takamoa, te tata Salamo i te na ko anga e, *“Mareka rava akera au e te aronga i tuatua mai kiaku e, Taki aere tatou ki te are o lehova.”*

Na kotou e akatotoa atu i teia karere ki to kotou au taeake kia kite katoa ratou i te au mea e tupu nei i roto i te taokotaiana o te kopu tangata CICC. Ko kotou kare i kite ana i te au nutileta i mua atu e kua anoano kotou kia kite, aravei atu i te Orometua o taau Ekalesia me kore akakite mai kiaku; ka rauka oki te reira au nutileta i te tuku iatu na runga i te imere. Noatu e tei muri teia au nutileta, e maata te au mea puapinga i roto – mei te tua tapapa o te au tuatau tei topa ki muri (history) – te ka riro ei pumaanaanga kia tatauia.

## 2. TOMOANGA I TE OPATI MATA I TAKAMOA, RA TAEANGA EVANGELIA

**K**are e ekokoanga e ko tetai angaanga maata, puapinga e te manea teia tei raveia ki Takamoa nei, ki Rarotonga nei, ki roto i te basileia no tetai tuatau roa. Ko teia ngutuare tei akaouia ei opati maata no ta tatou akonoanga CICC, ko te ngutuare mua teia tei akatuia ki roto i te Kuki Airani tei aru i te parani papaa. I mua ake oki te Evangelia ka tae mai ei, kua noo e kua akatu to tatou ui tupuna i to ratou ngutuare tei aru i te parani Maori, tena kua kite ana tatou i te au are kikau i te tuatau mua. I na, kia tae mai te au Orometua papaa tei apai mai i te Evangelia, kua akatu ratou i teia are ei ngai nooanga no ratou e pera ei ngai akaruruanga no te au taeake tei noo e tei apiia ki te tuatua mou ia ratou i Takamoa. Kua tuatuaia teia are e, ko te “Mission House,” e ko te reira katoa tona ingoa i teia ra. E maata katoa ta ratou au are parani papaa i akatu i muri ake i teia mea mua.



E tutu teia o te ngutuare tei toroia penei i te tuatau kare i angaia ake te nenei. Te tamanakoanga, kua toroia teia i muri ua ake i tona akatuiaanga. (*“Gems from the Coral Islands,” by Rev. William Gill, 1871, in a 2001 reproduction*)




Ko taua ngutuare rai teia tei neneia i te mataiti 1897. Tei roto i te tutu ko Rev. JJK Hutchin, tona ngutuare tangata e tetai o to raua au taeake. (*Framed photo at Takamoa, photographer unknown*)

Kia akamata te parani no te maanaiana i tetai opati meitaki tika'i no te CICC i Takamoa i te mea oki e kua taito rava te opati i taangaangaia maina, ko te manako mua koia oki kia vava'i'ia te opati taito ka akatu ei i tetai mea ou ki taua ngai rai. Kia akarakara akaou ra te kumiti akaaere, kua manako aia e kia tau'i'ia te parani, kare e akatu ki runga i te ngai o te opati taito (tena tei te tua katau me tomo atu ki Takamoa), ka apai ra ki te are rua taua i te tua maunga, koia oki te ngutuare tena tona tuatua i runga nei. Teia i raro nei te au tumuanga no te tauiana parani:

- E akaraanga manea ake me apaiia te opati ki uta e ki mua tika'i i te mata tangata.
- Te noo'ua nei teia ngutuare kare e taangaangaia ana, ko te pe me vao uia kare e taangaangaia.
- Ka akaouia te opati taito no tetai au akakoroanga keke. Penei ka tarau'ia ki vao ei opati; te kimi opati nei oki tetai au taokotaiana i teia ra.



Ko taua ngutuare rai teia tei neneia i te mataiti 1919 (kindly donated to the editor of this newsletter by Ewan Maidment of the Pacific Manuscripts Bureau, ANU, Canberra, Australia)



Ko taua ngutuare rai teia tei neneia i te 1980s, i mua ake ka akaouia'i e te kavamani ei opati no te Internal Affairs no tetai tuatau poto (photographer unknown)

Kua raveia tetai akonoanga pure no te akamata atu i te angaanga ki runga i te ngutuare i te popongi Monite 21 Okotopa, ki te pae rai i te ngutuare tei akaouia. Mei tetai 50 au tangata tei patiiia ki teia akakoroanga e kua piri katoa mai nga Ekalesia e 6 i Rarotonga nei. Kua riro te apianga Rahai Nanua i te turou mai i te katoatoa ki runga i te taua Takamoia. I muri ake iaia ko te Orometua Vaka Ngaro no te pure akamata, John Short, kamuta maata, no te akamarama i te parani angaanga, e kua riro te pure kiritianga i te tapu no te akamata atu i te angaanga e na te Orometua Ngatokorua Patia i rave.



Ko taua ngutuare rai teia i nga ra i mua uake ka akamata'i tona akaouia'anga (photo by Tekura Potoru, October 2008)



Pureanga no te akamata atuanga i te angaanga akaouanga (photo by Tekura Potoru, Monday 21 October 2008)

Kia akamata te angaanga akaouanga, kua kite mai te kamuta maata e kua va maata ia raro ake i te tango are, e na ringa i roa uatu i nana'i, kua ngaangaa te are e kua topa mai ki raro. Penei nana'i e na te vai tei na raro ake i te are mei tona akatuaiaanga, i akatupu i teia. E no reira kua pou tetai tuatau e tetai akapouanga moni maata, i te akakianga i raro i te tango are ki te timeni e te auri, ei ravenga i te akamatutu akaouanga iaia kia papu meitaki te turanga no tetai nga anere akaou mataiti, i na te kamuta mai ei. No teia tumuanga tetai i roa'i te ngutuare i te oti.



Okotai mataiti e mei tetai \$1.4m tei pou ki runga i te akaouia'anga o te Takamoia Mission House. I roto i teia turanga, kua o katoa atu te akaouia-anga o te ngutuare akamorianga o te aua Takamoia, ko tei topaia tona ingoa e ko Te Vai Ora Chapel (right), e pera te landscaping mei te tua maunga e tae ua mai ki te ngutupa tomo ki roto i te aua i tai (photos by Tekura Potoru, 2008-09).



Kua raveia te tomoanga i te ngutuare i te Monite ra 26 no teia marama Okotopa. Na roto i tetai akanoonooanga maru e te turuanga a te Rarotonga Konitara Ekalesia, kua rauka nga akakoroanga maata e 2 kia kapitiia okotai raveanga, koia te tomoanga i te ngutuare e pera te ra taeanga Evangelia o te basileia. No te akakoroanga o te ngutuare, kua ariki mai a Nikao e te Konitara Rarotonga e kia akaokiia mai te ra taeanga Evangelia te ka akamaaraia tika'i ki Nikao i teia mataiti, ki Takamoa nei, kia akameitakiia te Atua no teia vaerua inangaro i te angaanga kapiti e te taokotai.

Teia ireira i raro nei te porokaramu tei aruia i te reira ra tei akamata atu i te ora 9.00am:

**PART 1: DEDICATION**

1. CICC flag-raising ] led by the Nikao BB Band
2. CICC Anthem ]
3. Opening prayer – Avarua CICC Minister
4. Turou (TTC student), welcome (General Secretary)
5. Traditional hymn (*composed*) – Takamoa Theological College
6. Bible Reading ] Principal,
7. Prayer ] TTC
8. History & background of office building
9. Sunday School Hymn (*composed*) – TTC students
10. Message – CICC President
11. Dedication prayer for new office and chapel – CICC President
12. Cutting of ribbon to new office – Makea representative
13. Cutting of ribbon to chapel – Principal, TTC
14. New office and chapel open to the public

**PART 2: ENTERTAINMENT**

- |                         |                         |
|-------------------------|-------------------------|
| 1. Avarua – Ute         | 4. Titikaveka – Ura Pau |
| 2. Matavera – Kapa Rima | 5. Arorangi - Ute       |
| 3. Ngatangiaa – Pe'e    | 6. TTC – Kapa Rima      |
|                         | 7. Nikao – Ura Pau      |

**PART 3: REFRESHMENTS**

Closing prayer and grace  
Refreshments for everyone, put up by the 6 Ekalesias on Rarotonga



Ko teia tei oti i te akaouia, e pera te are pure (Te Vai Ora Chapel) i te tua katau (not shown). Ko nga reva tei utiia, no te CICC tetai, e reva nuku tetai e taangaangaia ana e nga Ekalesia i Rarotonga nei i te au ra taeanga Evangelia o te basileia.

Ko ratou tei tae ki teia angaanga maata, kare e ekoko e kua mataora e kua pumaana ratou tei riro ei kite no teia tei raveia atu. Kapitiia mai te reva manea ta te Atua i oronga mai no tona ra maata, kua manea tika'i te au tuanga katoatoa tei rave iatu, mei te porokaramo o te akatapuanga i nga ngutuare e rua, tae mai ki te rua o te tuanga o te tamataora, e pera te tuanga openga i te tua o te katikati. Kia akameitakiia te Atua mana katoatoa no tona kaka maata tei kitea pu uaia i te reira ra ki runga i te angaanga tei raveia ki nga ngutuare, e ki runga i tona uaorai iti tangata tei matuapuru mai ki tona paepae no tetai akakoroanga kare e rave akaouia no tetai tuatau roa.

Teia i raro nei te au tangata e te au kamupani e tuanga ta ratou i roto i te akaouanga i nga ngutuare e rua, koia te opati e te chapel:

John Short	Construction supervisor
Keta Williams & gang	Construction
Randolf George	Electrical contractor
Rarotonga Plumbing Ltd	Plumbing contractor
Rarotong Electrical Ltd	Supplier of electrical materials
Te Aponga Uira	Power connections and certification
T & M Heather Ltd	Buidling materials (cement, sand, gravel), machines for landscaping, roadworks and curbings
Romani Katoa	Architectural plans
Prestige Furniture Ltd	Office desks
Tepou Raita	Boardroom table
CITC Ltd	Building supplies, furniture for the library
Arorangi Timberland	Building supplies
Cook Is Building Supplies	Building supplies, flag posts
Maui Pokoati & gang	Final painting
Phil Wilson & gang	Landscaping
Alfred Estall	Floor grinding
George Rere	Earthworks
Laveen	Library shelves, office shelves, conference tables
Harry Numanga	Carpet layer
Ministry of Works	Road tarsealing
Cook Is Steel	Some of the steel supplies
Chris Voss	Doors and windows
laveta Short	Project manager on behalf of the CICC Executive Council
Oki Teokoitu	Project financial controller
Participating Ekalesias	For their financial contributions
Raro Konitara Ekalesia	Host/caterer for the opening function
Vainetini from the Arorangi, Matavera, Avarua Ekalesias	Outdoor & indoor decorative plants

Topiri atu kia ratou i runga nei, ko kotou tei tae mai e tei oronga ua mai i ta kotou ma te karapii-kore i te ra o te akatueraanga. Me kua topa tetai i te taikuia ki runga nei, akakoromaki mai. Te oronga atu nei te au mata katoatoa i runga i te kumiti akaaere o ta tatou nei akonoanga CICC i tona reo akameitakianga ki te katoatoa rava tei turu e tei tauturu i teia akakoroanga maata kua tae ki te openga ma te meitaki e te manea tika'i. I tau mari ei te tuatua ko tei na ko mai e, te akara nei tatou i tona mana e te kaka ma te umere maata.

Ei kiteanga na te katoatoa, ko te puapinga tei rauka mai i te reira ra tei akaputuia mai e te au Ekalesia tei mataia mai, to te Kuki Airani nei, Nutireni e Autireria, e pera ratou tatakitai tei oronga mai, e \$19,437.97, kia akameitakiia te Atua no kotou katoatoa, e kia riro ua rai aia i te akakiki mai i ta kotou au vairanga. Ko teia tei rauka mai, ka taangaangaia e te kumiti akaaere e pera te Rarotonga Konitara Ekalesia, no te au akapouanga o te reira ra (te tarauanga i te sound system e te au puakapa/marquees), no tetai au ngai rikiriki toe o te opati, e pera no te vaoo atu ki te vairanga, tapapa atu ei no te au projects e tu mai nei i Takamoa, mei te opati taito ka akaouia, e te Takamoa lecture hall ka akaou katoaia a teia au tuatau ki mua.



Katau: ko te kauono teia o Makea Ariki, Mere Macquarie, kua pakoti i te ripene no te katoatoa i te tomo ki roto i te opati ou. Kauri: ko te Nikao BB Brass Band e te anau apiianga i Takamoa e imene ra i te CICC anthem i te tuatau e utiia ra te nga reva e rua, koia te reva o te CICC e pera to te nuku.





Naataniia Ekalesia: e pee tana



Avarua Ekalesia: Ute



Matavera Ekalesia: kapa rima



Nikao Ekalesia: ura pau



Ko Mama Tuki Wright teia no te Ekalesia Titikaveka, e aka mataora to tera i te mea e kua oti tetai ngai park motoka e pera te toilet no te disabled i te maaniia ki roto i te ngai o te opati ou.



I roto i te ioio marie anga a teia au mapu pakarikari no Matavera mai i te au angaanga tei raveia, kua lelei ua te au mea katoatoa i na ratou mai ei.

**3. CICC MANUAL**

**T**ena te draft manual a te CICC kua tuku iatu ki te katoatoa na runga i te imere i te marama Tepetema i topa, kia akarakara e kia tuku mai kotou i te au manako penei ka riro i te akameitaki atu i te turanga o te reira buka. Ko te akakoroanga oki o te reira buka, ko te akanooanga i te kaveinga no te au tuanga i roto i te akonoanga CICC e pera te au Ekalesia tatakita, kia aiteite te katoatoa i te apaianga e te raveanga i te au tuanga tei akanooia. Kua pati iatu oki e kia akaokii mai te manako i mua ake i te openga o teia marama Noema. Me kare koe i tu, ringi mai iaku Tekeretere Maata i Takamo, kia tuku iatu

tetai naau na runga i te imere. Te umuumu nei te opati i Takamoā kia akaotia teia buka, kia neneia e kia tuku iatu ki te katoatoa i mua ake i te openga o teia mataiti 2009.

#### 4. CICC OF AUSTRALIA CONFERENCE

**T**he conference was held at the Logan Ekalesia (Booran Park Neighbourhood Hall), on Saturday 19 September 2009 at 8.00a.m. Two delegates (Orometua & delegate) from each CICC parish throughout the states of Queensland, New South Wales, and Victoria, attended the meeting, which was successfully hosted by the 2 Brisbane Ekalesias, Logan and Brisbane, under the guidance and pastoral leadership of Rev Tokoa Arokapiti, and Rev Joe Atirai respectively. Refreshments/meals in abundance were typical Cook Islands hospitality style - *thank you poria*

The 14 Ekalesias present at the conference were:

##### Queensland:

1. Brisbane Ekalesia (Brisbane)
2. Logan “ ( “ )
3. Mt Sheridan “ (Cairns)
4. Balaclava “ ( “ )
5. Townsville “ (Townsville)

##### New South Wales:

1. Sydney “ (Sydney)
2. Liverpool “ ( “ )
3. Dulwich Hill “ ( “ )
4. Campbelltown “ ( “ )

##### Victoria:


1. Clayton “ (Melbourne)
2. Reservoir “ ( “ )
3. Dandenong “ ( “ )
4. Springvale “ ( “ )
5. Noble Park “ ( “ )
6. Hampton Park “ ( “ ) – did not attend

##### Meeting issues:

1. Dullwich Hill Ekalesia to be confirmed/dedicated.
2. CICC General Assembly 2013
3. Australia constitution - lawyer presentation (Alistair MacPherson)
4. Denomination application – pending
5. Uniting Church presentation - Bruce Mullen
6. 2010 Council meeting in NSW - September/October

##### Sunday Service/Uapou:

A combined church service was held at the Logan Hall on Sunday 20, where I was given the honour to conduct the sermon. About 200 people attended both the service and uapou. The uapou donations towards the Australia CICC Council funds totalled to just over \$4000, a target for next years hosting Ekalesias in NSW to beat and achieve.



Hall at Logan, location of the conference.

Members arriving to the Sunday service



Combined uapou at Logan

*(Extracted by Dane Rasmussen, from report written by Assistant Minister Willie John, overseas representative, CICC Executive Council)*

## 5. TERE O TE PUAPII MAATA KI NUTIRENI

**K**ia orana tatou katoatoa i te aroa maata o to tatou Atua na roto i teia ripoti nei. Tena i roto i teia ripoti toku tere ki tetai akakoroanga ki Aotearoa.

### **Ko te akatapuanga i te Ekalesia Manurewa South Mall:**

Kua raveia te akatapuanga o te Ekalesia Manurewa South Mall i te Tapati ra 4 no Okotopa i te ora 1:00 i te avatea. Noatu oki e kare te au Orometua o Akarana i pou mai ana, kua tae mai ra te maataanga ia ratou. Kua rauka oki i te maataanga i te au Orometua i te akatuke i to ratou ora pure kia tae mai ratou ki te akatapuanga o teia Ekalesia Ou.

Kua raveia te au angaanga katoatoa ki te ngai rai e akamori ua ana ratou i Mangere. Noatu te kinokino o te reva i taua ra ra, kua ngateitei rai te raveanga o te reira akatapuanga. Kua tae mai rai oki te au mata mei roto mai i te au Ekalesia o Akarana. Kua oronga katoaia atu oki te akamaroiroianga ki te au mema, te aronga mou taoanga e pera katoa ki nga Tavini o te Atua koia ki te Orometua Junior Pepe e pera katoa te Orometua Kuro Isaia. Na te Atua e akameitaki mai ia kotou katoatoa.

### **Iriirikapua na te Ekalesia Auckland City:**

I te mea e, kua tae atu te tuatua noku ei mata no te Kumiti ki te akatapuanga Ekalesia, kua tae katoa mai te patianganga a te Orometua Nio Mare kia piri atu au ki roto i ta ratou Iriirikapua te ka raveia i te Monite ra 5 ki te Varaire ra 9. I te mea oki e, e Ruitoru toku ra e rere atu ei ki Wellington, kua piri atu au, e pera katoa toku taeake puapii koia oki a Robert Siakimotu ei puapii, ki roto i te Iriirikapua a te Ekalesia Auckland City, i te Monite e te Ruirua. Kua raveia oki te reira Iriirikapua ki te ngutuare o Takitumu i Mangere. E maata katoa te au mema mei roto mai i te au Ekalesia o Akarana tei tae atu ki te reira Iriirikapua. Kua riro oki e, na te Orometua Nio Mare i akatere i teia Iriirikapua nei. Kia akameitakiia te Atua no teia ngateitei tei orongaia mai.



### Iriirikapua na te Konitara Mapu o Aotearoa:

Kua piri katoa atu au ki te Iriirikapua a te Konitara Mapu o Aotearoa tei raveia ki te Forest Lake Campsite i Otaki, i te Ruitoru ra 7 ki te Tapati ra 11. Kua riro katoa te reira Iriirikapua na te Tama Akatereau o te Konitara Aotearoa, te Orometua Temere Poaru i akatuera e kua riro katoa oki te reira ei mea pumaana e te mataora no te mea, ko te Iriirikapua mua teia ta ratou i rave i Aotearoa.

Manea tikai te akanoonoonga i te porokaramu apii a te au mapu. Noatu oki kare te au mapu i pou mai ana, kare ra te reira i riro i te akaparuparu i to ratou akakoroanga. Kua taeria rai tetai 72 mapu tei piri mai ki teia Iriirikapua na te mapu. Ko te fee ki roto i teia Iriirikapua e \$150.00. Penei, ko tetai tumu teia i kore te au mapu i pou mai.

(Me paunu marie ra au, i toku uaorai manako kua pa'una meitaki'ia te reira moni, no te mea, tei roto i te reira moni te tutaki i te au mea katoatoa: te kai, laundry, te ngai moe'anga, transport, etc) Ko te maatamaata o teia ngai nei, e rua taime ia Takamoia i roto.

Teia oki te au Ekalesia tei tuku mai i ta ratou au mapu ki te reira Iriirikapua:

1. Ko te Ekalesia Auckland City.
2. Ko te Ekalesia Maungarei
3. Ko te Ekalesia Otara Central
4. Ko te Ekalesia Palmerston North
5. Ko te Ekalesia Christchurch
6. Ko te Ekalesia Invercargill
7. Ko te CICC in NZ.

Ko te au puapii i roto i teia Iriirikapua nei:

1. Ko te Orometua Vakaroto Ngaro (Puapii Maata)
2. Ko Ken Ben (Director of Evangelism)
3. Ko Robert Siakimotu (Director of OAC)

I roto katoa oki i teia Iriirikapua nei i iki akaou'ia ei to ratou aronga mou taoanga no te mataiti 2010 ki te 2011. Teia to ratou aronga mou no teia tuatau nei:

1. Mr. Locky Lockington (Chairman)
2. Miss. Tania Unuia (Secretary)
3. Mr. James Unuia (Treasurer)
4. Mr. Vaiaere Vaevae (Auckland Rep)
5. Miss. Rowena Marsters (Assistant Treasurer and Southland Rep)



Iriirikapua i Akarana

I roto i teia ra nei, te akamata nei te parani no te rua o te Iriirikapua a te mapu o Aotearoa no te Mataiti 2011. Ka akapapuia mai rai te ngai e raveia ei te reira Iriirikapua. Te oronga katoa mai nei te anau mapu i to ratou reo aroa kia kotou katoatoa ma te akamaroiroi atu i te au mapu kia tae mai ki te rua o te Iriirikapua te ka raveia ii te Mataiti 2011.

Ei taopenga i teia ripoti kia akameitakiia te Atua no teia tikaanga tei orongaia mai kia tere atu kit e enua Nu Tireni no teia au akakoroanga nei. Te apai katoa mai nei au i te aroa mei Aotearoa mai, mei te au Tavini o te Atua e ta ratou Ekalesia e pera katoa te aroa mei roto mai i te Konitara Mapu o Aotearoa. Shalom, te Atua te aroa.



Iriirikapua a te mapu i Otaki

(Tataia e Rev. Vakaroto Ngaro, Puapii Maata)

## 6. REFLECTIONS

**E** tuanga teia i roto i ta tatou nuti leta tei akamataia i te nuti leta 15. Te irinakiia nei e ka mataora kotou i te tatauanga. Ko te ingoa o teia tuanga o te nuti leta koia oki **Reflections, akaraanga ki muri i tei tupu**. I konei ka oki tatou ka tatau ma te kite i tei tataia no te au mea tei tupu e to ratou pirianga ki ta tatou akonoanga CICC mei tona kapuaangaia mai. Teia te au manako maata i tuku takere iatu na roto i nga nutileta i topa:

Nutileta numero 15	Tu o te oraanga i Rarotonga i mua ake ka tae mai ei te Evangelia
Nutileta numero 16	Taeanga mai o te Evangelia ki Rarotonga
Nutileta numero 17	Au mea tei tupu i nga marama mua o te Evangelia ki runga ia Rarotonga
Nutileta numero 18	Anauanga o Takamoa
Nutileta numero 19	Tuanga mua o te Orometua Ruatoka tei tonokia ki Papua New Guinea
Nutileta numero 20	Tuanga rua o te Orometua Ruatoka tei tonokia ki Papua New Guinea
Nutileta numero 21	Te Orometua Piri tei tonokia ki Papua New Guinea
Nutileta numero 22	Te Orometua Tauraki tei tonokia ki Papua New Guinea
Nutileta numero 23	Te Orometua Anederea tei tonokia ki Papua New Guinea
Nutileta numero 24	Te Orometua Teava tei tonokia ki Papua New Guinea
Nutileta numero 25	Kare e tua tapapa, kua taiku iatu ra e ka tuku iatu te tuatua no te Orometua Turaki Teauariki
Nutileta numero 26	Te Orometua Turakiare Teauariki – Part I

I roto ireira i teia nutileta numero 27, ko te rua teia i te tuanga o te akakitekiteanga no te Orometua Turaki Teauariki; tona kapikiangaia ki Takamoa, iaia i angaanga Orometua i te Kuki Airani nei i mua ake ka aere atu ei aia ki Papua, e tona tuatau iaia i Papua. Ko Papa Turaki oki te Orometua CICC openga tei tonokia ki Papua, kua aere atu aia i te mataiti 1963 e kua oki mai i te mataiti 1975. Tena te maataanga o te tua tei roto i te **Annex II**.

Kotou kare i kite ana i te au atikara tei tuku iatu ki roto i nga nutileta i topa, akakite mai kia tuku akaou iatu na runga i te imere.

## 7. AKAPAPAANGA TUATUA

**I** roto i teia nutileta ka tatau tatou i te akapapaanga tuatua o te **Orometua Temere Poaru** o te Ekalesia Otara (**Annex I**). Ko te 21 teia o te nutileta e, e akapapaanga tuatua tetai tei tukuia ki roto. Me kare koe i kite ana i te au akapapaanga tuatua tei topa ki muri, akakite mai kia imere iatu tetai naau. Te tuera nei rai te ngutupa no tetai uatu tei anoano i te taangaanga i te nutileta no teia akakoroanga manea. Tuku tika mai i te tuatua kiaku e tetai tutu.

## 8. POPANI

**T**ena ireira e te au taeake ma te au tuaine te au mea tei anoano ta kotou kumiti akaaere kia oronga akakite atu ei kiteanga na kotou i te au mea tei tupu, e tupu nei, e te paraniia nei no teia au tuatau ki mua i roto i ta tatou nei akonoanga CICC. Irinaki matou i runga i te kumiti akaaere e ka riro teia au akakitekiteanga ei pumaana ki roto i to kotou au ngakau tatakaitai. Me e au manako to kotou no te akameitaki atu i te turanga o teia nutileta a teia au tuatau ki mua, ka rekareka au kia tuku tika mai kotou i te reira kiaku, Tekeretere Maata. Oronga katoa iatu teia nutileta ki toou au taeake e te kopu tangata.

Ei topiri i teia nutileta, te na ko ra te tangianga o te theme no te Pacific Mini Games tei raveia ki Rarotonga nei i te marama i topa, "share the moments." I roto i to tatou oroanga akarongo, ka akarava atu tatou i teia tuatua i te na ko anga e, "share the moment with Christ everyday, and enjoy His many blessings."

Ei konei tatou i te tuatua akakiteanga i tona aroa opekore uatu rai kia tatou te tangata ara nei, Amene.

+++++

## TE AU APINGA E OKOIA NEI I TAKAMOA

### CURRENTLY AVAILABLE AT TAKAMOA

Cook Is Maori Bible - hard cover	\$20.00
Cook Is Maori Bible - soft cover	\$45.00
Hymn Book - soft cover	\$15.00
Prayer Book	\$12.00
Sermon Book	\$15.00
Certificates – all types	\$ 2.00
Karere 2009	\$ 5.00
Readings Card 2009	\$ 2.00
Registration Book	
• Ekalesia	\$45.00
• Burial	\$45.00
• Baptism	\$45.00
DVD Gospel Day Celebrations 2007	
• Set of three	\$50.00
• For one	\$20.00
• 2009 (will be available soon)	
CD	
• Sunday School hymns	\$10.00
• Traditional church songs	\$20.00
CICC Constitution	
• Maori version	\$10.00
• English version	\$10.00

#### Send orders to:

*Tekura Potoru  
Director of Publications  
CICC Takamoa  
P.O. Box 93, Rarotonga, Cook Islands  
Phone/fax/email as per page 1 of this newsletter.*



Te Vai Ora Chapel, located next to the Mission House, Takamoa

# Annex I

## PROFILES OF DISTINGUISHED CHURCH MEMBERS

**Rev. Temere Poaru**



Papa Temere and Mama Titera Poaru

**AKAPAPA'ANGA TUATUA NO REV. TEMERE POARU***Tataia e Tekura (Steak) Potoru, CICC Director of Publication***AKATOMOANGA**

Kia orana tatou i te aroa maata o te Atua. Teia te irava akaaravei'anga no tatou, **Isaia 6:8**, "*Kua akarongo atura au i te reo o te Atua i te na ko anga e, Koai taku e tono? Koai te ka aere no tatou? Kua karanga atura au, i na, teia au, ko au taau e tono.*"

**TONA TUPUANGA**

Kua anauia te metua tane i te ra 12 no Tepetema mataiti 1947 i te oire Tetautua, Penrhyn, ka 62 ireira ona mataiti i teiane. Kua akamata i tana apii i Tetautua. I te mataiti 1961 kua tere atu aia ki te enua Manihiki, kua aere ki te apii i Tauhunu no tetai 3 mataiti. I roto i te mataiti 1964 kua tere atu ki te enua ko Rarotonga. Kua akamata atu i tana angaanga mua koia te tunu varaoa na te Atua Bakery i Titikaveka.

I te mataiti 1965 kua neke mai ki te are tunu varaoa o Glassie Mutua Strickland tei matau'ia i te kapiki e ko Papa Karati. Ko teia metua tane te General Secretary o te CICC i te reira tuata. I roto i te mataiti 1967 kua aere atu aia ki Viti angaanga seaman ki runga i te pai contract no tetai tai mataiti. I tona oki'anga mai mei Viti kua oki atu ki te enua anau ko Tongareva i te mataiti 1968. I roto katoa i teia mataiti rā 19 o Aperira i akaipoipo atu ei aia i tana purotu sumaringa ko Mama Titera. Ko te 41 mataiti ireira teia i to raua noo kapiti anga.

**APIIANGA I TAKAMOA**

I te mataiti 1977 kua tae te kapikianga kia raua no te tomo ki roto i te apiianga i Takamoa. Ko te tu o te oraanga i Takamoa i te reira tuata, ngata i te tua o te ngutuare, inara e nooanga mataora to te anau apiianga e pera te angaanga kapiti. E mea matauia e te au papa i te tanu kai e pera te tautai ei tauturu i te oraanga ngutuare. E riro ana nga Ekalesia i Rarotonga nei i te utuutu i to ratou oraanga mei ta tatou e kite nei i teia tuata, na roto i te akaputuanga mai i te kai, e pera katoa to te pa enua i vao i te tuku kai mai ki Takamoa. Ko te vaerua keresitiano teia tei kitea ki roto i te iti tangata o te Atua.

**AKAMATA'ANGA I TE TAVINI I ROTO I TE EKALEZIA**

- |      |  |
|------|--|
| 1980 | I te mea oki e kare e Orometua va no te aere ki Mauke, kua tamanako te Kumiti Akaaere o te akonoanga i te tuku atu iaia ei tiaki i te Ekalesia Oiretumu. Kare te metua tane i akatainu'ia, kua aere aia ei Apiianga mei Takamoa. |
| 1982 | Kua raveia te Uipaanga Maata ki Mauke i te marama Okotopa rā 10, i roto i teia tuata kua akatainu'ia aia ei Orometua. Kua noo ki Mauke no tetai 8 mataiti.   |
| 1988 | Tere atu ki te enua ko Mangaia ki roto i te Ekalesia Oneroa  |
| 1991 | Mei Mangaia mai raua kua tuku iatu ki Nuti Reni ki roto i te Ekalesia Porirua  |
| 1993 | Ikiia ei Chairman no te Konitara Maata o te akonoanga CICC o Nutireni  |
| 1999 | Tomo atu ki roto i te Ekalesia South Auckland  |
| 2003 | Tomo atu ki roto i te Ekalesia Otahuhu   |
| 2007 | Tomo atu ki roto i te Ekalesia Otago e tae ua mai ki teia rā   |

**TETAI MEA UMERE TEI TUPU**

I te mataiti 1988, i mua ake ka tere atu ei te Orometua ki Mangaia, kua tae mai tetai pepa kiaia i te akakite e auraka e aere ki Mangaia no te mea kua tupu tetai manamanata i roto i te Ekalesia Oneroa. Kare teia i riro i te tapu i te Orometua, kua tata i tana pepa ki te tekeretere o te Ekalesia Oneroa, noatu e 6 rai mema Ekalesia ka aere atu rai aia. Kua tupu te taitaia kia Numangatini Ariki no te mea e tama ua teia nana. I tona taeanga ki Mangaia kua tae a Numangatini Ariki ki te airport i te aravei i te Orometua, kua riro rai e nana i tuoro mai i te Orometua ki runga i te enua.

Kua riro ta Numangatini Ariki i rave ei mea poitirere'anga ki te iti tangata o Mangaia, ka tai nei teia ka tupu ki runga i te enua Mangaia. I roto i te akono'anga a te iti tangata o Mangaia, kare te Ariki e tuoro i tetai uatu, e vaa tuatua rai tona, inara no te au manamanata tei tupu i reira, kua taakaaka roa a Numangatini Ariki iaia. Kua riro teia tei tupu i te taokotai akaou i te Ekalesia Oneroa.

No teia tei tupu, kua manako te metua tane a Papa Atingakau Tangatakino i te atu i tetai imene no te Orometua. Tena i raro nei te tata'anga o te imene.

**“TAKU TAMAITI E TEMERE POARU”**

*(Atuia e Papa Atingakau Tangatakino – 1988)*

*Taku tamaiti e, e Temere Poaru  
Mei Tongareva mai toou tupuanga  
Tae rava mai koe ki Auau nei  
Tomo ana koe tama te punavai ora  
Kua rauka iakoe te kite, te kite o te parau e*

*lakoe nei e Temere Poaru  
Topa ei te reo o Numangatini Ariki  
Oro mai koe tama ki taku paepae  
E tama ua oki koe na te aronga mana e  
Umuumu ana koe kia okotai to Isaraela  
Aue te Atua teitei e, Toou tavini oki tena  
Ko Temere Poaru*

*Tei ivanui nga tanga moakirikiri  
Kumakeke Kumakeke  
Te tangi o te moakirikiri*

**POPANI**

Tena i reira e te iti tangata no te Atua, tetai au ngai puapinga i roto i te oraanga o te metua tane, te Orometua Temere Poaru. Te karanga nei oki te irava ei ta-openga; **Salamo 121:1-2**, “E akara ainei toku mata ki te au tuaivi, e rauka ainei te tauturu iaku i reira? No ko ia lehova te tauturu iaku, ko tei anga i te au rangi e te enua.”

Kia orana e kia manuia.



The Mission House looking eastward

# Annex II

## REFLECTIONS

### The Story of Rev. Turakiare & Mama Akerere Teauariki – PART II



*Rev. Teauariki was the last Takamoa-trained church minister posted to PNG since the exchange programme commenced in the mid 1800s. The above photo was taken at Takamoa (photographer unknown) during his tenure as President of the CICC. The final resting place of the minister and his wife is in the church yard of the Kimiangatau Ekalesia, Mauke (his home village and island), Cook Islands.*

*(continuation from newsletter 26)*

#### **Life at the Takamoa Theological College, 1950 – 56**

Reverend Murphy was very worried about his congregation on Rarotonga. He felt that the people were indulging in too many evil and sinful habits, and were also becoming very selfish towards the Church. He felt that the way things were, it was inevitable that God would punish the people with a national disaster. He wanted to prevent this and he thought that the only way would be to go on a one week fast and to visit all the villages on Rarotonga, praying and beseeching the people to return to their Christian ways of living.

So began his fasting at midnight on Sunday. He started at Avarua. He held a service at midnight and the Church was full to capacity. The people had heard of Reverend Murphy's sacrifice and they were repentant and also curious. After the service, he asked the Congregation to silently pray and ask God's forgiveness and guidance. At dawn that Monday morning I drove Reverend Murphy to Nikao. He drank a little lime juice and proceeded into the Church. Again the Church was full and after the service, Tonga Henry came to seek help for his wife Pokoina who was partially paralysed. She had been sick for a long time and the doctors were unable to cure her. The Reverend spoke to both of them and Mrs. Henry confessed all her wrong doings. The Reverend blessed them both and after praying for them, asked Mrs. Henry to stand. She stood up and started to walk. It was indeed a miracle, this woman could now walk again. At 11.30 that night we left for Arorangi. The response by the congregation was indeed heartening. By this time I had no sleep for about two days and I was very tired and hungry. I couldn't hold on so I took food and slept. Meanwhile, the Reverend continued as usual. He spent all his time in Church praying and his only food was a little lime juice. Word of the miracle he had performed on Pokoina Henry spread all around and his mana increased considerably. From Arorangi, Titikaveka, Ngatangia to Matavera, the response to his mission was tremendous. The congregation packed the Churches to capacity, and the thinking of the people seemed to have changed for the better.

At Titikaveka I noticed that the Reverend was getting weaker physically but his will was strong. I knew that sleep and food would not affect him much. Tuatakiri Pittman and his wife accompanied us for the rest of our mission. When we returned to Avarua, the doctor was summoned and after examining the Reverend, prescribed rest and chicken broth for three days. The Reverend decided to rest at Titikaveka, but before he left, Tonga Henry and his wife came to ask if they could enroll as students in the college. But they were

unfortunate as there was no more intake for that year. They were told to return home and to await what God had decreed for them. Several months later, the assistant pastor for Nikao died and Tonga Henry was appointed to the position.

I was not a very bright student and always had difficulties in passing exams. Our subject included Theology, New and Old Testament, and sermon preparations, and these were lectured by the Reverend Murphy. The History of the Bible and Church History was taught by Pastor Tuatakiri Pittman. Raui Pokoati lectured on the Life of Jesus Christ, Teina Tuarau on the Beginning of the Church, and Ta Upu on the Writings of the Prophets.

### **Graduating from Takamoa, 1956**

In my final year at College Reverend Murphy gave me plenty of encouragement. There was a vacant position at Nikao and if I passed my exams the post would be mine. So I worked very hard at my studies and passed three papers and my wife Akerere also passed one paper. At the end of this year, Reverend Murphy returned to New Zealand and his substitute was the Reverend B. Thorogood. Our graduation was held in Aitutaki in January 1956. Three of us graduated; Tupou and his wife, Uziah and his wife, and Akerere and I. Our graduation coincided with the Annual General Assembly of all the pastors in the Cook Islands. Once a year the Assembly was held and the Church boat, the *John Williams VI*, traversed the Islands taking the pastors to their new posts, were anointed in the Church by the Reverend Thorogood and the Reverend Sturney, Pastor Pittman and Mr. Glassie Strickland who was then the Secretary-Treasurer of the Church.

### **A visit to the outer islands**

After the anointment we sailed to Pukapuka on the *John Williams VI* to celebrate the centenary of the arrival of Christianity to the Cook Islands. The Pukapukan Church was beautiful. No nail was used, Instead the Pukapukan people used coconut rope to lash the house together. We enjoyed the Pukapukan songs and dances and especially their "mako" performance, where two braves engage in a wrestling match. The contestants strip off and wear only a wrap. The loser is jeered by the winning side in their songs and chants, and the winner is challenged by other braves. The mako is one of Pukapuka's ancient sports that have survived until today.

On all the Islands we visited we were well received and fed on all the special dishes of each Island such as coconut crab, tuna and ava fish of Pukapuka, the special coconut poke on Manihiki and Rakahanga, the itiki or fresh water eel of Mitiaro. Fish, shell fish, chicken and pork were always on the tables.

When we came to Mauke we decided to bring the children, Marae and Tearoa with us to Rarotonga. Our studies being completed we were now able to look after our children. We also brought our feeding child William Framhein with us. At Mangaia we met Akerere's relations who gave a great feast to celebrate our reunion. The pineapples were ripe and the whole party was asked to take whatever they wanted. We arrived in Rarotonga and on 10 June the Nikao Ekalesia with the Assistant Pastor, Tonga Henry, came to collect us, their new pastor.

### **Penrhyn, 1960**

The Cook Islands Christian Church Assembly in 1960 was held on Mangaia. The boat, *John Williams VI*, took all the Ministers to the Islands of their new posting. Prior to this, trouble developed on Penrhyn. The Church followers were divided between the Minister Ben Tuakana and the Assistant Minister Marama. It started during the copra season. The people sailed to the out-lying islets to cut and dry the copra. The copra islets were scattered far and wide from the main village and access to them depended on the sea conditions.


The Assistant Pastor and some deacons and followers decided to hold their own service on these far-off islets to save them having to come back to the village. However, the Minister, Ben Tuakana, was most annoyed and held a meeting of all the remaining deacons of the village and decided to ostracise the absentees from the Church.

*(to be continued in the next newsletter)*


*(Extracted with acknowledgment from Polynesian Missions in Melanesia, 1982, USP, pp.111-129)*




# HISTORY IN PICTURES




Papehia (left) and his son Isaia. Together with Rev. John Williams, Papehia brought Christianity to the Cook Islands, landing in Aitutaki in 1821, and Rarotonga in 1823.



Natives of Mangaia: a heathen (left) and a Christian



Aitutaki (probably at the Arutanga wharf)




Ngatangia Church



Ngatangia Church today (photo by Tekura Potoru)

Avarua Church



Avarua Church today (photo by Tekura Potoru)



(Source of above portraits: "Gems from the Coral Islands," by William Gill, a reproduction of the 1871 edition, Te Rau Herald Print, Gisborne, New Zealand)

# Annex III

## E TUA TAPAPA NO TE ARE PURE “OLIVETA” I ROTO I TE OIRE KIMIANGATAU, MAUKE



KIA AKATUPU A TE'AU MARIRI ARIKI (TAMAINA NGARO) I TE MANAKO, KA KIMI I TETAU NOO ANGA TAU NO TANA KAU UANGA KUA OKI AIA KI TE TUA OPUNGA O TE ENUA KO AKATOKAMANAVA, KI NGA MARO ENUA KO TEAKATAUIRA E VAIUNA.

KUA TAMA TE VAKA TANGATA I TE NGAI I AKONOIA, TA TEAU ARIKI I AKANOO IA RATOU EI NOORANGA.

MEI TE RA 30 O TEPETEMA 1904 KI TE RA 15 NO TITEMA 1904 KUA PAPA TE TURANGA POU, TANGATA KI TONA REINGA, TANGATA KI TONA.

KO TE EVANGELIA, KUA TUKU TE ARIKI KI ROTOPU I NGA MARO ENUA, TEAKATAUIRA E VAIUNA, E MARAE KATOA TEIA I MUA ANA.

MEI TE RA 16 KI TE RA 24 NO TITEMA KUA AKATEATEAMAMAO E KUA AKATUIA TETAU ARE PURE (ARE RAU)

XMAS DAY 1904 KUA RAVEIA TE PURE ANGA MUA KI ROTO I TE OIRE KIMIANGATAU, E KOIA KO TEAU ARIKI RAI TE OROMETUA.

TEIA TE KARERE O TAU RA – ISAIA XI: I “E TUPU TETAU TUPU OU NO ROTO I TE TUMU O IESE, E NO ROTO MAI I TONA AU AKA E TUPU MAI TETAU URI UUA”.

KUA RAVEIA TE AKAMORIANGA KI ROTO I TEIA ARE PURE, NO TETAU TUATAU, E I TE RA 9 NO TIANUARE 1909, KUA AKAMATAIA TE ANGAANGA KI RUNGA I TETAU ARE PURE OU E KO ROURU INGATU TE OROMETUA KOIA KATOA OKI TE OROMETUA MUA O KIMIANGATAU.

### TETAU AU TUATAU

XMAS 1904 – XMAS 2004 - 100 MATAITI O TE EVANGELIA KI ROTO I TE OIRE.

09 JAN 1909 – 09 JAN 2009-100 MATAITI MEI TE AKAMATAANGA IA OLIVETA

TE VAI KATOA NEI TE TUATAU E TE TUATAU NO TE TOMO ANGA, KA AKAKITE KATOA IA ATU RAI TE REIRA.

AKAMAARA ANGA

TEAU MARIRI ARIKI (TAMAINÉ NGARO)

NANA I TANU I TE EVANGELIA KI KIMIANGATAU.

TEAU MATAPAKIA  
E DIAKONO

TEAU AITU

E DIAKONO

TEAU TANGATAKAIKAVA

E DIAKONO

TEAU TURAKIARE ARIKI

TUTU EVANGELIA KI PAPUA  
PRESIDENT/OROMETUA NGATEITEI CICC  
OROMETUA E TAE UAATU KI TONA OPENGA

I TE TUATAU E TAVINI NEI TEIA METUA ARIKI NO TE ATUA, KUA RIRO E NA TONA TEINA KO TEARU TANGANUKU E TONA TUAINÉ, KO METUANGARO AERENGA I TIAKI I TONA TAOANGA. I TE MATAITI 1990 KUA OKI MAI TE METUA ARIKI KI TONA ONEONE RAI I KIMIANGATAU, TAVINI EI I TE ATUA, MA TE APAI KATOA I TONA TAOANGA ARIKI.

TEAU MARAETAPU ARIKI

DIAKONO  
MOU MONI NO TE EKALEZIA, TURUTURUIA E TONA AKAPEREPERE I MOE AKE NEI – MAMA ARIKI –  
TEPUA TEAUARIKI

TE OIRE KIMIANGATAU – TE RAUKA ANGA MAI O TE INGOA

1. TAU TANA KIMIANGA I TETAÍ NOOANGA NO TANA KAU UAANGA
2. TAU I TONA MANAKO TE KIMIANGA A NGA MATAIAPÓ IAIA
3. TAU TA TATOU KIMIANGA

*(Tataia e Ngatupuna Mariri, Tauturu Orometua, e Unonga'ina aia na Rouru Ingatu)*

# Annex IV

## Donations for the Dedication of the New CICC Mission House, Monday 26 October 2009, Takamoa

Casey Eggelton	100.00
Kapu Raera	50.00
Vereara Maeva	100.00
Peri Vaevaepare	30.00
Ngamau Munokoa & family	200.00
Springvale Ekalesia	500.00
Tamaiva Mataiapo	40.00
Rarotonga Konitara Ekalesia	200.00
Maria Sila	50.00
Prime Minister Jim Marurai	100.00
Porirua CICC NZ	1000.00
Atiu Ekalesia	1000.00
Mokare Mataiapo	50.00
Ivirua Ekalesia	500.00
Christchurch Ekalesia	500.00
John Tangi	100.00
Mr & Mrs Gelling Jack	100.00
Oneroa Ekalesia	200.00
East Tamaki Ekalesia	300.00
Mr & Mrs Tei Lockington	50.00
Mt. Sheridan Ekalesia	1000.00
Rakahanga Ekalesia	1000.00
Dandenong Ekalesia 200AUD	235.04NZ
Clayton Ekalesia 1000AUD	1170.22NZ
Balaclava Ekalesia	1000.00
South Auckland Ekalesia	1000.00
Mangere Ekalesia	500.00
Hamilton Ekalesia	500.00
Konitara Ekalesia Mangaia	500.00
Tamarua Ekalesia	500.00
Tom & Tuaine Marster's	500.00
Auckland City Ekalesia	500.00
Maungarei Ekalesia	500.00
Oiretumu Ekalesia	400.00
Sydney Ekalesia 500AUD	587.61NZ
Motutapu Ekalesia	500.00
Mr & Mrs Willie John	50.00
Nikao CICC	500.00
Mr & Mrs Iro Maroroa	50.00
Te Tika Mataiapo	200.00
No name on envelope	80.00
President, House of Ariki	100.00
Sir Frederick Goodwin and wife	100.00
Tui Mataiapo	20.00
Margaret Karika Ariki	50.00

Mr & Mrs Archer Hosking Jnr	50.00
Kainuku Kapiri Te Rangi Ariki	50.00
Principal & family, apianga	200.00
Mr & Mrs Pukeiti Pukeiti	100.00
SDA Mission	50.00
Tamakeu Mataiapo	30.00
Vaipae Ekalesia	200.00
Kimiangatau Ekalesia	200.00
Donations (bucket)	645.10
Religious Advisory Council	600.00
Munro family	50.00
Pakau Mataiapo	50.00
Naku Tamariki	100.00
Ekalesia Arutanga	500.00
<b>Total</b>	<b>\$19,437.97</b>

**Note:** the above are the financial contributions received on Monday 26 October and includes those received up to Thursday 29 October. The list does not include funds budgeted for each Ekalesia for the project which some Ekalesias have paid off, and some have commenced making payments. There have also been donations in kind (food) from the outer islands, including eis for VIPs from Atiu Ekalesia.

# Annex V

## SHARE YOUR PHOTOS

This is an open space for anyone wanting to share his/her/their photos – preferably church-related. Send/email to the Editor directly for inclusion in future issues. For this issue, the photos are all from the office dedication and nuku day, Monday 26 October 2009.



**Responsibilities for this newsletter / tei angaanga ki runga i teia nuti leta:**

- ◆ Typing/layout/editing/emailing - Nga Mataio
- ◆ Proof reading - Marianna Mataio
- ◆ Printing & postage - Tekura Potoru & Maroti Vave
- ◆ Contributors (articles/photos) - John Akavi, Nga Mataio, Rev. Vaka Ngaro, Ngatupuna Mariri, Dane Rasmussen

Comments on the format and presentation are most welcome; please send them to the Editor. The CICC Newsletter is published whenever there is sufficient amount of material to warrant publication. On average, the newsletter has been published at 2 months interval since September 2005. Electronic copies can be emailed to whoever wishes to receive the publication.

Published by: The Cook Islands Christian Church  
P.O. Box 93, Rarotonga  
Head Office Phone: 26546 Fax: 26540 Email: [adminpub@oyster.net.ck](mailto:adminpub@oyster.net.ck)

Enquiries: Editor (*Nga Mataio*)  
Phone: 23900 (hm), 26546 (work)  
Email: [ngam@oyster.net.ck](mailto:ngam@oyster.net.ck)

Administration Officer (*Nga Mitiau-Manavaikai*)  
Phone: 26546

Director of Publication (*Tekura Potoru*)  
Phone: 26540

Next issue: Mid December 2009

*Note: any of the articles/photos in this newsletter may be quoted/reproduced with appropriate acknowledgement. There is, however, no point and certainly no advantage in altering or amending any of the contents to suit one's own purposes.*